



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԷԿՈՆՈՄԻԿԱՅԻ ՆԱԽԱՐԱՐ
Հ Ր Ա Մ Ա Ն**

ք. Երևան

.06. 09 2019թ № 1081-Ա

ԷԿՈՆՈՄԻԿԱԻ ՆԱԽԱՐԱՐԻ ՏԵՂԱԿԱԼՆԵՐԻ ԿՈՂՄԻՑ ՀԱՄԱԿԱՐԳՎՈՂ ԳՈՐԾՈՒՆԵՈՒԹՅԱՆ ՈԼՈՐՏՆԵՐԸ (ԲՆԱԳԱԿԱՌՆԵՐԸ) ՍԱՀՄԱՆԵԼՈՒ, ՆԱԽԱՐԱՐԻ ՏԵՂԱԿԱԼՆԵՐԻ ՄԻՄՅԱՆՑ ՓՈԽԱՐԻՆՈՒՄԸ ԿԱԶՄԱԿԵՐՊԵԼՈՒ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՆՏԵՍԱԿԱՆ ԶԱՐԳԱՑՄԱՆ ԵՎ ՆԵՐԴՐՈՒՄՆԵՐԻ ՆԱԽԱՐԱՐԻ 2018 ԹՎԱԿԱՆԻ ՀՈՒՆԻՍԻ 22-Ի N 461-Ա ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐԻ 2018 ԹՎԱԿԱՆԻ ՓԵՏՐՎԱՐԻ 8-Ի N 40-Ա ՀՐԱՄԱՆՆԵՐՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով «Կառավարչական իրավահարաբերությունների կարգավորման մասին» Հայաստանի Հանրապետության օրենքի 10-րդ հոդվածի 6-րդ մասով, «Նորմատիվ իրավական ակտերի մասին» Հայաստանի Հանրապետության օրենքի 37-րդ հոդվածի 1-ին մասով և հիմք ընդունելով Հայաստանի Հանրապետության վարչապետի 2019 թվականի հունիսի 1-ի N 658-Լ որոշմամբ հաստատված հավելվածի 18-րդ կետի 9-րդ ենթակետը՝

հ Ր ա մ ա յ ու մ ե մ .

1. Սահմանել էկոնոմիկայի նախարարի տեղակալների կողմից համակարգվող գործունեության ոլորտները (քնազավառները)՝ համաձայն հավելվածի:

2. Էկոնոմիկայի նախարարի տեղակալների միմյանց փոխարինումը կազմակերպել հետևյալ կերպ՝

- | | |
|--------------------|-------------------|
| 1) Ավագ Ավանեսյան | Վարոս Սիմոնյան |
| 2) Արտակ Քամայան | Տիգրան Գաբրիելյան |
| 3) Արման Հովնանյան | Նաիրա Մարգարյան |

3. Ուժը կորցրած ճանաչել Հայաստանի Հանրապետության տնտեսական զարգացման և ներդրումների նախարարի 2018 թվականի հունիսի 22-ի «Հայաստանի Հանրապետության տնտեսական զարգացման և ներդրումների նախարարի տեղակալների միջև

լիազորությունները սահմանելու և Հայաստանի Հանրապետության տնտեսական զարգացման և ներդրումների նախարարի 2018 թվականի մարտի 26-ի N 210-Ա հրամանն ուժը կորցրած ճանաչելու մասին» N 461-Ա և Հայաստանի Հանրապետության գյուղատնտեսության նախարարի 2018 թվականի փետրվարի 8-ի «Հայաստանի Հանրապետության գյուղատնտեսության նախարարի, նախարարի տեղակալների և աշխատակազմի ղեկավարի միջև աշխատանքների բաշխման և Հայաստանի Հանրապետության գյուղատնտեսության նախարարի 2016 թվականի դեկտեմբերի 22-ի N 266-Ա հրամանն ուժը կորցրած ճանաչելու մասին» N 40-Ա հրամանները:



ՏԻԳՐԱՆ ԽԱՉԱՏՐՅԱՆ

Էկոնոմիկայի նախարարի տեղակալների կողմից համակարգվող գործունեության ոլորտների (բնագավառների)

1. Էկոնոմիկայի նախարարի տեղակալ Արտակ Քամայանը համակարգում է՝

գյուղատնտեսության ոլորտի զարգացմանն ուղղված քաղաքականության, այդ թվում՝ գյուղատնտեսության զարգացման ռազմավարական ծրագրերի մշակման և իրականացման, գյուղատնտեսական խորհրդատվության, ազգային թվային գյուղատնտեսության հարթակների ստեղծման, գյուղական համայնքների կայուն զարգացման, գյուղատնտեսության ապահովագրության, օտարերկրյա պետությունների և միջազգային կառույցների ու կազմակերպությունների հետ գյուղատնտեսության ոլորտում համագործակցության բնագավառները՝ նախարարության գյուղատնտեսական ծրագրերի մշակման, ռեսուրսների օգտագործման և կոոպերացիայի զարգացման; գյուղատնտեսական խորհրդատվության, նորարարությունների և մոնիթորինգի ու գյուղատնտեսության ծրագրերի իրականացման վարչությունների, Հայաստանի խաղողագործության հիմնադրամի, «Երկրագործության գիտական կենտրոն» և «Բանջարաբոստանային և տեխնիկական մշակաբույսերի գիտական կենտրոն» ՊՈԱԿ-ների, «Գյուղատնտեսության տարածքային զարգացման ՏԻԳ պետական հիմնարկ» ԳՖԿ-ի միջոցով:

2. Էկոնոմիկայի նախարարի տեղակալ Տիգրան Գաբրիելյանը համակարգում է՝

բուսաբուծության, անասնաբուծության, ագրովերամշակման, պարենային անվտանգության և ապահովության, սննդամթերքի անվտանգության, օրգանական գյուղատնտեսության, հավաստագրված սերմեր արտադրողների, անասնաբուծության և բուսասանիտարիայի բնագավառները՝ նախարարության գյուղատնտեսության առաջնային արտադրանքի; սննդամթերքի անվտանգության, պարենային անվտանգության և ագրովերամշակման զարգացման վարչությունների և «Ագրոքիմիական ծառայություն», «Սերմերի գործակալություն», «Անասնաբուծասանիտարիայի և բուսասանիտարիայի ծառայությունների կենտրոն» պետական ոչ առևտրային կազմակերպությունների և «Գյումրիի սելեկցիոն կայան» փակ բաժնետիրական ընկերության միջոցով:

3. Էկոնոմիկայի նախարարի տեղակալ Ավագ Ավանեսյանը համակարգում է՝

մակրոտնտեսական վերլուծությունների և հետազոտությունների, արդյունաբերության զարգացման, արդյունաբերության և գյուղատնտեսության ոլորտում տեխնոլոգիական վերազինման և ինովացիոն լուծումների ներդրման, ինչպես նաև ընկերություններին պետական աջակցության քաղաքականության, պետական և մասնավոր հատվածի համագործակցության երկխոսության ոլորտային հարթակների ձևավորման, արտահանման զարգացման քաղաքականության հանրային ներդրումների կառավարման, «պետություն-մասնավոր հատված» համագործակցության բնագավառները՝ նախարարության տնտեսական հետազոտությունների կենտրոնի; հանրային ներդրումների քաղաքականության և արդյունաբերության զարգացման վարչությունների և «Նորամուծության և ձեռներեցության ազգային կենտրոն» ՊՈԱԿ-ի միջոցով:

4. Էկոնոմիկայի նախարարի տեղակալ Վարոս Սիմոնյանը համակարգում է՝

Եվրասիական տնտեսական միության, Հայաստանի Հանրապետություն-Եվրոպական Միության «Համապարփակ և ընդլայնված գործընկերության համաձայնագրի» առևտրին առնչվող մասով դրույթների և ՀՀ-ԵՄ առևտրատնտեսական համագործակցության, ԵՄ Արտոնությունների ընդհանրացված և համալրված համակարգ» (GSP+), ԵՄ կողմից տրամադրվող աջակցության ծրագրերի և Եվրոպական հարևանության գործիքների ներքո իրականացվող ծրագրերի իրականացման և դիտանցման, ԵՄ Արևելյան Գործընկերության շրջանակներում ծրագրերի և նախաձեռնությունների, «Տնտեսական զարգացման և շուկայի հնարավորություններ» պլատֆորմի և դրա ներքո պանելների, Առևտրի համաշխարհային կազմակերպության հետ համագործակցության, ԱՀԿ համաձայնագրերի պահանջների և ԱՀԿ շրջանակներում ՀՀ ստանձնած պարտավորությունների ապահովման, Անկախ պետությունների համագործակցության, ինչպես նաև ՄԱԿ-ի առևտրային և տնտեսական կառույցների, միջազգային կազմակերպությունների հետ ոլորտային համագործակցության, օտարերկրյա պետությունների և միջազգային կազմակերպությունների հետ միջազգային տնտեսական կապերի հաստատման, արտաքին շուկաների հասանելիության բարձրացման, միջազգային տնտեսական համագործակցության համար համապատասխան իրավապայմանագրային դաշտի ստեղծման և զարգացման, որակի ենթակառուցվածքների՝ տեխնիկական կանոնակարգման, համապատասխանության գնահատման բնագավառները՝ նախարարության Եվրասիական տնտեսական միության և արտաքին առևտրի; Եվրամիության հետ տնտեսական համագործակցության; արտաքին կապերի; որակի ենթակառուցվածքների զարգացման վարչությունների միջոցով:

5. Էկոնոմիկայի նախարարի տեղակալ Արման Հովնանյանը համակարգում է՝

ներդրումային քաղաքականության և ներդրումների և ներդրողների պաշտպանության, ներդրողների հետ ներդրումային սպասարկման, գործարար և ներդրումային միջավայրի բարելավման, մտավոր սեփականության իրավունքի պաշտպանության, երաշխիքների տրամադրման, արժեթղթերի թողարկման ու վարկերի ապահովագրության, ֆինանսական վնասների ապահովագրության, համապատասխանության գնահատման մարմինների հավատարմագրման բնագավառները՝ նախարարության գործարար և ներդրումային միջավայրի բարելավման; ներդրողների և արտահանողների աջակցության վարչությունների, «Հավատարմագրման ազգային մարմին» ՊՈԱԿ-ի և «Հայաստանի արտահանման ապահովագրական գործակալություն» ապահովագրական փակ բաժնետիրական ընկերության միջոցով:

6. Էկոնոմիկայի նախարարի տեղակալ Նաիրա Մարգարյանը համակարգում է՝

ՀՀ օրենսդրությամբ նախարարությանը վերապահված լիազորությունների շրջանակներում փոքր և միջին ձեռնարկատիրության զարգացման, ձեռնարկատիրության ոլորտում տեխնոլոգիական վերազինման և ինովացիոն լուծումների ներդրման, ստեղծարար արդյունաբերության (այդ թվում՝ մասնավոր հատվածի ծրագրերը խթանող գործիքակազմի մշակման և կիրառման) փոքր և միջին ձեռնարկատիրության սուբյեկտների գործունեության արդյունավետության և մրցունակության բարձրացման, փոքր և միջին ձեռնարկատիրության սուբյեկտներին տեխնիկական և ֆինանսական աջակցության, ձեռներեցության զարգացման, լիցենզավորման և թույլտվությունների տրամադրման բնագավառները՝ նախարարության ձեռներեցության զարգացման և մտավոր սեփականության գործակալություն վարչությունների, «Հայաստանի փոքր և միջին ձեռնարկատիրության զարգացման ազգային կենտրոն» հիմնադրամի և լիցենզավորման և թույլտվությունների գործակալություն վարչության միջոցով: